

ARMENU NA VOTA

Amìcu,
ri luntànu ru' rrica ti scrivu,
unni ti ricu ti piènz'u
e i ma peni ti cunt'u,
ccâ spranza
ca prestu tuòrni nti mia.
Jàiu na stizza r'amaru
na spina appizzata ntô cori
e gghiàju ru' pila ntâ lingua
propria ntâ punta.
Tu, se mi siènti, vieni
e m'aiùti a putilli scippari,
nca putissi parrari cciù ciaru,
cciù allècru cciù aruci
e putissi sta vuci
pp'amuri na canzuna cantari,
armenu na vòta ntâ vita,
e vùrriri a gghjènti se mi senti
e ccu si vòta.

E appuoi se vvuoì,
na manu mi runi a spustari sta petra,
ca supr'è pièri mi pisa,

ri tàgghiu ntê ita,
nca putissi u passu alluncari
e ccùrriri e sautari
e pputissi macari ccu-ll'ali abbulari,
gn jàutu,
ntô vièrsu rô sulì,
armènu na vòta ntâ vita
e vvùrriri u munnu
siènnu ch'è ttùnnu
cu è ca i fila cci tira
e comu gghira.

Ma â sira c'arriva,
prima ca scura,
vuògghiu turnari â casa,
e stari sulidhu
'rricugghiùtu
ar aspittàri
macàri mutu
rô rrièstu râ vita ca scùrrunu i peni comu veni.

ALMENO UNA VOLTA- Amico / da lontano due righe ti scrivo / dove ti dico ti penso / e le mie pene ti racconto / con la speranza / che presto torni da me / Ho una goccia d'amaro / e una spina infissa nel cuore / ed ho due peli nella lingua / proprio sulla punta. / Tu, se mi senti, vieni / e m'aiuti a poterli strappare / ché possa parlare più chiaro / più allegro / più dolce / e magari questa voce potesse / per amore una canzone cantare / almeno una volta nella vita / e vedere la gente se mi sente / e chi si volta // E poi, se vuoi / mi dai una mano a spostare questa pietra / che sopra i piedi mi pesa / di taglio sulle dita / ché potessi il passo allungare / e correre e saltare / e potessi anche colle ali volare / in alto / verso il sole / almeno una volta nella vita / e vedere il mondo / essendo rotondo / chi è che le fila gli tira / e come gira. // Ma la sera che arriva / prima che abbui / voglio tornare a casa / e stare solo / rannicchiato / ad aspettare / anche muto / che del resto della vita / scorrono le pene come viene